

寶泉新牘

戶部協佐錢法山東清吏司員外郎鄒潘爲條上
約法仰祈

台酌以便永遵事職至寡昧叨佐錢法念局弊旣
滋人情久玩因而隨事謀討加意釐剔不以惠工
者惠奸不以興利者侵利爰就管見擬爲十約與
局中諸人共守之第恐掛漏尚多要領未挈伏望
留神裁訂永著爲令庶人無躐治之思而
國收泉府之利矣

計開

一每次一爐給銅鉛一千斤四六配搭各爐頭同
匠頭當堂領去以杜私秤短發之弊五日一次
收錢十日交完錢數方許再領工料卽時算給
如卯錢過期不交查係物料不備者專責爐頭
係侵欠銅鉛者專責匠頭違悞至三次者爐頭
匠頭俱呈 堂革役

一收錢每五千文爲一錠上用竹牌寫爐頭匠頭
及細錢人姓名各堆一處聽本司照爐抽驗遇
有漏風缺邊縮字等樣細錢人重責錢輕色淡

者責匠頭沙眼多者責翻沙匠邊粗糙者責派
剉匠磨不亮者責磨洗匠灰不淨者責刷灰匠
選退錢槌碎回火如錢犯前弊多者責爐頭仍
發看錢人逐一挑選另交本司覆驗尚有隱弊
者看錢人重責

一爐頭匠作人等各印給腰牌懸帶以便出入稽
察如有閑人潛入作內者卽以盜論每爐置手
牌一面上書某號某爐頭及各匠姓名每逢三
六九日辰時一爐止許二人隨牌挨號出作買

辦未時照牌唱進凡出作入作時俱鳴大鑼集
齊餘丁二名把守作門二名把守外門又十名
站立堂前逐一搜出至搜爐頭務要加嚴仍照
工部置一高凳從上跳下以防搜檢不及之弊
如有夾帶錢銅鉛出入者輕則枷責重則叅送
搜檢人役有功者賞阿縱者責

一爐頭力能自買銅斤者准給 堂批免稅到日
當堂兌收貯庫卽給價值但不得因襲舊弊自
買自鑄借公行私亦不許收買銅佛等像以致

低假折耗

一各匠所耽耽謬覲者餘錢耳餘錢豈量沙而爲煉石而就哉不過尅落官銅遂致錢色濫惡自後銅鉛須照原給四六鎔化以四火爲度不許額外添鉛多鑄本司決不踵習陋規濫爲照出一銅鉛每百斤鑄出例交錢八十六斤十三兩已准耗一十三斤三兩內鉛四十斤又欲加耗六斤何也且旣云多耗安得又有餘錢錢之弊也實此爲之濫觴業奉

明旨再四申飭

科院

加意查核汝等應得工資亦自

不薄不宜分外侵剋貪小利而忘大害也戒之

一大錢須仲月鑄進

上錢方許領出毋錢鑄造

一次作內一時齊鑄交大錢完時并毋錢同繳

如非時查有大錢在作者卽係私鑄依律叅處

一爐頭每十日輪派二名常川在作巡視譏察奸

弊及催督各匠毋令偷安滿日方許出作餘各

爐頭許管帳一人在內監守匠作各小匠務聽

匠頭約束如違許稟究卯錢完交後十日一放

匠巡風爐頭挨號開遍花名以便點查

一作內懸大鑼一面如有偷漏 制錢私賣銅鉛
及私鑄賭博者許卽鳴鑼舉首果有急切事情
亦許鳴鑼傳稟凡匠頭人等能檢發私弊得實
者准頂爐頭名役

一爐頭匠頭或五人四人互爲保結如有欠銅作
奸等事連坐各小匠有招自匠頭者有募自爐
頭者卽令本人舉保事發一體治罪

堂批詳閱十條提綱挈目不縱不苛必後懲前亦

嚴亦密往時借自買銅料一款夾帶私鑄泥弊無窮今止准給批免稅以恤其勞免收給價以清其本嚴革自買自鑄以杜其隙禁收銅佛等像以塞其耗以至餘錢陋規沈滌殆盡正已正人可謂得其要領矣如照逕款申明永爲遵守若大錢鑄造似易私鑄者競爲捷趨識微者謂非久道近巡視科院數數言之尚須商量耳減之又減庶不至見小而忘大也

本部寶泉局秋季爐頭王應春徐國穩王之連
呈爲懇恩賞文加課捐資鼓鑄抵本以廣配鑄少
裨局用事奉等自備本銀壹千伍百兩驗明寄庫
作本兌支買銅供鑄已蒙監督廳呈奉

老爺臺下切思自京至陝路遙數千兌領採買幾
期兩月本多本少同歸于一往一來但閭閻小民
于前數外軀力不能再辦應春國穩匠役俱全雜
料具備伏乞

老爺天恩俯賜鼓鑄罄存應領工料扣庫抵本干

寄庫數外賞文于陝西布政司量加兌支庶一次
奔波多多益善廣買一觔銅配鉛可得二觔之用
多鑄一文錢通行便生半文之息叩懇俯准前情
賞文前往採買應用闔局沾恩上呈

堂批錢局借本於太倉隨借隨還隨取隨給則本
局所不足者非銅本也預借於太倉爲正法預借
於爐頭則不經矣王應春等前後具呈其主意全
在賞爐鼓鑄四字蓋以預納銅本爲餌以扣給奏
餉爲償而終以據爐永鑄爲龍斷也倘人盡效尤

則九十餘人當常川在局而輪班之法廢矣且各省考成嚴催不至安必該省之依期扣發本役乎數千里外照應無憑卽以扣發而姑云未扣發卽急需之銅不將付之西江之水乎索銅未能應手占鑄卽已匠心至錢糧之完欠多寡頭緒叅差前後拖搭不惟爲不了之局抑且滋無窮之竇矣如嚮者郭幅益等止給一空批冒銅違限最久明係借官引作私販懲前慮後徐國穩等所呈請殊未可允行也仰司立案以杜其後

協佐錢法戶部山東清吏司員外郎鄒潘呈爲因
鉛招銅乞定價值以便收買事查庫中紅銅已罄
近來發作點配全靠崇文門送到奏用商販紅銅
被工部爐頭遠途邀截到局十之二三職因諭各
商凡販到紅銅千斤以上者許銅八鉛二收買蓋
乘其急售窩鉛之意爲招挾紅銅之術耳但價值
低昂本職未敢擅便合無遵照巡視察院胡疏內
酌於七八之間每斤給價七分五釐或量增五釐
至八分照銅收鉛給價庶公私兩便其紅銅價值

或每斤量增五釐以動商人牟利之私卽鉛價八分銅價一錢四分五釐四六合算每黃銅十斤只一兩一錢九分未爲甚貴但得銅鉛輳集鼓鑄之利自廣亦足 國通商之一策也伏乞

裁示施行

堂批銅鉛二八收買以示招挾其價值叅酌巡視條奏每斤七分八分之間准以七分七釐爲率則鬻鉛者亦不至太冒濫矣紅銅每斤一錢四分原係定額未可突增或紅銅佳好絕倫每百斤量增

二三錢亦足昭寬恤矣如照遵行繳

戶部協佐錢法山東清吏司員外郎鄒潘呈爲捉
獲偷盜官錢事據本局大使余應讓具稟前事云
去該本職看得自局事更新以來局中諸役稍奉
三尺惟謹不意有看火匠陳時預與餘丁沈五約
於本月初九夜將大錢從南牆下挖開水洞而出
大使余應讓得於餘丁馬保之密稟親到洞口尚
鉤出大錢一錠據陳時供有六錠則已盜去五錠
矣沈五供係郝大共事而郝大奏刑未招夫五錠

大錢非一夫所能負之而去郝大家住局西南短
牆上似有往來之跡職躬至其處所驗見者偷盜
制錢法所不貸非一大創之無以警衆伏乞

賜批大興縣嚴鞠正罪追贓以清錢法至爐頭史
任和怠玩成習致名下匠作肆意作奸監守之責
謂何應否懲革統候 裁奪

堂批據詳餘丁沈五霍大商同看火匠陳時刻牆
盜出制錢五錠先事期會臨事發覺獲贓有據
踏驗已明卽霍大強口掩飾而沈五陳時業已供

認無詞矣仰行大興縣盡法究報爐頭史任和猥
云原未通同難解監守玩縱行法之始漸何可長
姑免深究革役示懲名缺不必頂補以寓澄汰焉
保另行給賞爲發奸者勸

協佐錢法戶部山東清吏司員外郎鄒潘呈爲偷
盜官錢事據大使余應讓呈本月十一日恭遇進
上制錢爐頭各役俱押錢箱隨朝供事止有巡風
皂隸李文煥在局看守大門平職到內庫先回見
大門封鎖已開職惶忙進看撞遇李文煥在內突

出職心疑有別情逐處檢看錢庫門下水溝內有大錢一錠廳廊下大錢二錠用蓆遮蓋始知偷盜情弊卽差餘丁王應元追喚文煥隨已逃躲無踪已拘伊兄文炳及伊伯李孝等見在等情該本職看得錢庫重局在司廳之東嚴更夜析有餘丁焉晝則耳目環伺毋庸防也不意十一日進

上制錢爐頭各役俱押擯入內庫局中聞無其人獨有皂隸李文煥在大門以外詎知其盜者卽其守也門鑰庫鑰預備肱篋而恣其所取倘非余大

使先歸而三錠大錢遂果奸盜之腹矣蓄謀于旬
月者敗露于頃刻想天不容奸必有陰禱其魄而
牽制之者罪人雖逃官雖無恙除勒限伊兄李文
炳伊伯李孝嚴緝正犯務在得獲外查文炳一家
原克本局爐頭有李孝李文炳李文燦李清李海
王汝梅共六名蒙 台臺清汰重冒革去四名尚
有李孝王汝梅已派秋季應役訖此輩盤踞官局
雞連百足侵盜作奸匪朝伊夕李孝王汝梅爐頭
相應除名次年秋班不許續緣復進

堂批李文煥李文炳偕仲雞連占克多役既賺局中之利復窺庫內之藏乘各員役押進制錢承委守門盜開庫鑰竊錢三錠監守攫金于白晝明目自盜之條弟兄謀合于同居難違併贓之律若非余大使偶撞盤詰前錢幾負之而走矣文煥之逃顯係文炳懼扳連坐輒藏匿以觀望耳仰司嚴限追比如再抗不出卽將文炳解責叅送無遲其李孝王汝梅本當併究姑從輕革役名缺不許頂補此繳

戶部協佐錢法山東清吏司員外郎鄒潘爲遵
疏舉擇爐頭以示風勸事看得局中之有爐頭以
其能宣力公家倡率名下各匠勤於鼓鑄謹於奉
法耳乃怠玩成習就本季二十六人中求其實心
任事始終不渝者惟楊夢爵盧萬鍾二人捧讀
大疏有議擇爐頭之殷實者十人常川在局總理
其事楊夢爵盧萬鍾允堪斯任合行呈請伏候
裁示准令常川在局總理自後各季爐頭有能急
公守法者量爲推舉一二以示激勸如事久心慵

查有通同作弊等事仍行除革庶賞罰嚴明人心
兢奮須至呈者

堂批楊夢爵既稱勤謹爐事如照原示常川應役
以昭激勸盧萬鍾俟下季省試另議總之有勸須
有懲其間怠事者或亦不少併行查明指實呈革
若始勤終惰又當移勸爲懲卽常川者仍行除革
不得恃以爲常也仰遵行申飭無容姑息此繳

戶部協佐錢法山東清吏司員外郎鄒潘呈爲申
革隱弊爐役以清錢法事本月初二日收完十月
內制錢當有爐頭茅建名下看火匠余太林高鑄
出錢銖兩獨輕始將二匠各責發令回火詎爐頭
匠頭通同作弊私就每錠上加錢一二十文誑稟
收兌較斤似無短少按數竟有羨餘此弊一售錢
法立壞已經加責枷號外爐頭茅建相應除名匠
頭余太林高併應革逐尚有看火匠張應鰲李文
學李進賢阮科陳龍祝應登劉科等共七名火候

不精歷試俱拙當此新舊爐頭交代之際合行清汰以無悞冶鑄統候 裁奪示行

堂批據詳茅建不遵明禁鑄錢銖兩獨輕且每錠添帶餘錢一二十文希圖罔上飢法真怙終不悛之尤者也邨非該司潔已燭奸發覺懲創不幾廂廂公行於白晝乎依擬責革除名其匠頭及看火匠余太林高張應鰲等九名併行汰逐餘如照行繳

戶部協佐錢法山東清吏司員外郎郝潘

呈爲檢舉藐法奸橫欺歛大害事據看火南匠楊
廣告稱泥惡劉元之慣訟慣騙無法無天陡今初
七日晚帶腹梅士鳳等向身歛錢五百文湊完衆
匠李文學等錢作爲使用赴 堂告添耗鉛並新

增爐頭二事身知不法未遂奸騙恐惡妄訟暗歛
身名事發牽害臨難分辨姑檢舉上告等情到職
據此隨拘李文學李思賢祝應登劉志各到官當
堂細鞠據各供劉元之到伊住處說要告狀討耗

鉛每人科出大錢四五十文使用是實隨該本職
看得耗鉛與餘錢相表裏而餘錢之說又與耗鉛
之說相刺謬夫銅鉛自四六配給外又增此七斤
之鉛錢色可得高乎鑄數自正額取盈外又添出
一千之錢銖兩可得重乎制錢之濫惡固上有
以導之矣此職硜硜之愚力爲杜革邇收完大錢
各匠有將餘錢三四十不等呈上公用本職笑
謂此嘗我也賞其五文餘俱當堂槌碎衆目共覩
夫耗鉛固未嘗給也而猶有餘錢則原耗一十三

斤三兩之克然可知矣奸匠之欲無厭劉元之張
嘉會又從中播煽因而漁之局中安得有清寧日
查劉元之係龍江驛逃徒舊在爐頭葉雲名下匠
作騙害各匠已經湯員外革逐張嘉會係南京敗
檢黜生來克爐頭本年二月內偷大錢出作被獲
當蒙前任督理李老先生批枷本局二十日滿送
法司緣李老先生榮轉嘉會誑訴病危倖脫此兩
人在今日既非爐頭又非匠作而戀住官局之傍
是何主意試問齊民之家盜已肱其篋而逮之理

矣尚可與之卜隣乎彼生事之紀綱罪狀旣著而
斥逐之可令陰預吾家政乎在元之藉嘉會之筆
陣旣蠶螫之橫施嘉會藉元之舌鋒復翼虎而咆
吼不疾強代之呻無風突生其波使匠作皆受其
愚弄局事明爲其把持惟有仰仗 威靈除奸去
蠹重則叅途輕則遞回庶幾弊絕風清錢法不至
壞蝕於奸徒之手也

堂批據呈劉元之張嘉會以梟棍劣生懲革不悛
今復刁唆起滅科騙爐匠阻壞錢法楊廣等首証

有據本犯質對無詞本當叅究重處姑從輕各責三十板着的役押解原籍取收管結狀繳

協佐錢法戶部山東清吏司員外郎鄒潘呈爲獎拔冬季爐頭以寓激勸事職按爐頭名冊酌留玖拾捌名分班應役今秋冬二季已革去肆名實在玖拾肆人中應舉數人常川在局供事凡進錢之効勞匠作之提綴局事之照管庶有專責查冬季爐頭鼓鑄比秋季更加勤慎如李龍化陳春馬龍陳忠俱堪推拔伏候

台裁點用貳名

堂批常川之役原不可以爲常偶一行之所謂拔一以勸百耳前季拔二人而革四人該司威克厥愛故爭自濯磨者衆耳李龍化准行獎拔陳春等照舊輪班嗣後卽有勤慎如龍化者亦拔至四名而止或常川者有初罔終卽裁革作缺以俟將來者進總之限定四名爲額庶少杜旁蹊不盡化輪班者爲常川末流猶有砥柱耳繳

戶部協佐錢法山東清吏司員外郎鄒潘爲德量
鼓鑄事宜酌議補偏救弊等事遵將舊爐頭一百
七十名備查父子兄弟重冒新添及先經叅處盡
行汰革外實存九十八名分爲四班按季在局督
率匠作鼓鑄合行造冊開報各姓名呈請
印發存案須至冊者

堂批泉局弊蠹釀於冗役冗役之進于請章也勢
不得不欺官剥公以償其所費浸淫而官局化爲
私鑄所從來矣本部節奉

明旨不敢避勞怨裁爐頭幾十之四所減爐冶倍之
非憑臆也傳檄諸司究作弊之深淺核侵逋之多
寡因報完之先後而彰痺行焉於百七十人中量
存九十八名又分爲四班按季供事去其害馬者
爐事朕有瘳乎邇來各役多勉就三尺本部稽
其勤惰仍行勸沮又賴協司同心急公杜絕干請
訂詳名冊以示恪守嗣後於九十八名中隨時澄
汰乃稱任怨任勞永肩一心耳鄙於數外強增一
名黷法自土始人非鬼責其謂之何

戶部協佐錢法山東清吏司員外郎鄒藩呈爲巡
視事准巡視太倉銀庫科院手本內開該局大使
申報循環內開給過工料等錢並未赴本科院掛
號則是仍踵源局扣給之初而不循科院更改之
舊也且泉局與銀庫事同一體銀庫分文出入悉
繇本科院掛號故鉅細按藉可查今錢局者或自
買銅鉛竟鑄錢出入不繇掛號從何稽考相應准
照往例一一出給印結赴掛以憑查算造冊總入
奏繳者也故今後或買銅鉛則具印結內開某人買

銅若干鉛若干領價若干其領工料價銀則開爐頭某人鑄錢若干該工料銀若干俱赴本科院掛號給發仍限日期報完內有不完者本科院得以按號查比等因准此看得本局鼓鑄凡收買銅鉛出給工料俱有一定價數不容分毫增減每月造入循環簿呈報督理衙門及前部又按季造報巡視科院及餉院其綜核之法亦既詳且密矣今准巡視手本欲令本局將所買銅鉛及所給工料俱出給印結赴科院掛號給發真經國苦心但諸商

萬里貿遷貨一兌完價不能頃刻待工料原不作
本亦不作利收完錢若干算該工料若干隨手散
給而後將所存錢若干報實數入庫若待掛號而
後給發不獨商人苦於守候裹足不前各匠皆窺
人仰給殊切查工部寶源局萬曆四十五年准前
科院有此議已而報罷盖必有是銅而後有是錢
必有是錢而後有是工料按籍瞭然毋容侵冒合
無自後遇有各商預領錢糧買到銅斤者俱候巡
視掛發如商人自本買賣照依原價徑給於循環

簿內逐一開註某商銅鉛若干領價若干爐頭某人匠某人領銅若干鑄錢若干給工料若干不許如前混淆按季繳報以便清查何如緣係巡視移行事理合具繇上請

裁奪

堂批察弊欲詳行法欲簡領銀官商買銅到日應赴巡視掛發販銅零賈交易無常祇登循環報查按季挨日無容參錯滋弊庶執簡御煩條分毫析科院之功於錢法者大矣如照移復繳

協佐錢法戶部山東清吏司員外郎鄒潘呈爲捉
獲行使假錢事據本局皂役丁應元具稟前事云
云該本職看得制錢濫惡之弊議者多歸咎于官
局但京師私鑄實繁有徒亦旣屢見緝矣邇來本
局遵奉

堂諭特於錢背增一戶字以別於工且欲令私鑄
者不得以贗淆真數月以來雖鼓鑄數百萬悉令
貯庫以備邊餉急需未有一文出局卽給散工料
亦只以舊鑄大錢與之不意民間先有戶字錢行

使銖兩既輕輪廓復窄觸手立辨其低假也此本局皂役所以一見而心疑之似此巧弊百出幾同黎丘之鬼若不嚴爲根究異日私鑄盛行職亦何以自解於清議也合將二犯并戶字假錢押解赴審仍乞通行各城多方搜緝以絕弊端以清錢法爲此備繇具呈伏乞 台奪施行

堂批據詳王明張元德設舖買錢於國門之外所買小錢薄窄不堪每文兌重八分詭託之乎戶字非私鑄之射利則宵人之奸謀妄冀真贗不分阻

梗錢法耳本部疏請釐奸之後錢式厚大銅色黃亮每文兌準一錢二分五釐且有重至一錢三分者節經收貯局庫頗稱超軼一時且七月監鑄以來未交太倉未發邊鎮卽工料皆以舊鑄大錢抵給不能無翼而飛何從貿遷郭外其爲奸人私弊無疑仰司確究王明等僞錢來歷自明私鑄奸謀立破有犯必懲三尺必不貸也仍行各城搜緝以絕弊端出示懸賞以鼓摘發其搜獲僞錢并發

該同實訊務獲正犯速報

協佐錢法員外郎鄒藩呈爲請發年例銀兩事准
管理太倉銀庫楊主事手本內稱奉本部劄付卽
將取到銅錢陸萬貳千肆百餘兩給發各鎮委官
領回抵餉奉此合應移送委官赴局關領以省解
收之煩等因准此查得本局所鑄之錢除先解發
新舊二庫外實在銅錢止有伍萬叁千伍百餘兩
之數其餘在鑄尚未交完合將見在銅錢盡發各
鎮以克年例呈蒙 堂批據查循環簿三月十四
以前在庫在作并給出商本錢銅積算鑄利約可

伍萬數千餘金內爐頭郭元等之侵逋亦徑作實在焉是 前部原 題陸萬貳千肆百兩之利亦約畧將來利中之利而預計之不謂逾月之間推轉謝事逋者未追買者未到中間不無鏡華水月卽銅 佛一尊可湔捌百斤乃鉛鉄夾雜不便鑄法象端嚴不忍鑄祇可稱常住鎮庫之重器而已然軍需告急本部之利卽當那作 前部之利彼此通融廼見共恤仰司悉索現貯青蚨不拘肆萬伍萬兩速兌應之完日開數呈報此繳

督理京省錢法戶部右侍郎陳 爲申明譏而不
征之法以集銅料以佐軍國急需事協佐錢法山
東清吏司案呈照得先蒙督部批差官舍郭幅益
焦吉傳一鰲領去官銀前往陝西辦買紅銅係關
軍國急需不宜稽遲時刻復經照會陝西布政司
轉行申飭各該關津稅課衙門如遇本部員役到
彼但照印信原批委非詐冒填註銅數委非浮濫
原到日期並無違限即將原批填寫明白用司印
鈐記掛號行令該關隘員役驗實立刻放行不許

刁難指索致干三尺本差亦不許假借舊批影射私貨如違一併據實報部以憑從重究處等因移行去後延今數月未據片銅運到其中不無侵冒情弊相應查催案呈到部擬合就行為此合照會陝西布政司速查本部差官郭幅益等先經給批領銀往省收買銅斤因何違限日久不行解到嚴查有無侵冒等弊據實報部以憑重處如現在裝運卽便轉行關隘立刻放行趙催赴京以克急用

一照會陝西布政司

督理京省錢法戶部右侍郎陳 爲差官收買銅
觔延捱日久特行嚴催事照得本部奉

旨建局廣行鼓鑄以開財源少佐軍興惟是銅觔缺
乏隨于天啓貳年拾月內差堂官郭幅益前往陝
西動支本省布政司抽扣銀叁千兩買辦紅銅又
于拾貳月內差効勞官李應龍前去採買亦移文
動支抽扣銀壹千兩至今未見銅觔解到相應行
查爲此照會陝西布政司卽督委所屬効幹官一
員嚴查部差二官曾經領銀若干見在買完銅觔

若干未成買若干會否起解逐一備細查明刻期
馬上差人齎文報部一面督趣原奉差各官星火
採買解部如驅銀人手延捱別營展轉滋弊仍希
一體查究蓋錢糧動經三四千限期已逾三四月
國課軍需並屬虛懸殊非事體知急公之誼彼此
同心決不視爲泛常郵筒也

一照會陝西布政司

查核輕齎買銅銀兩事案查先該本部題留湖廣
一省動支天啓元年分輕齎銀肆萬兩天啓二年

分輕齎銀伍萬兩三年分輕齎銀 伍萬兩採買黃
銅解京鼓鑄延今三年並無銅觔 解到相應行查
爲此劄仰該司卽查該省歷年應 扣買銅銀兩或
未遵原題未經扣留曾經盡數完 解部司則原題
扣買銅觔分毫不解猶可言也如該省旣奉
欽依扣留又不買銅解局則前項留貯銀兩積三年
計拾肆萬豈遂容化爲烏有耶事屬兩懸法難寢
摺該司備查明白以便移文彼省催督

一劄付湖廣司

衡量鼓鑄事宜約議補偏救敝等事准本部咨專
理新餉山東清吏司案呈奉本部送戶科抄出

督理京省錢法本部右侍郎陳 題前事等因奉

聖旨錢法關係國計這所奏深悉利病俱依擬着實
行近來制錢濫惡不堪行使顯是經管司官縱容
奸弊不行稽查着指名叅奏處治該部知道欽此
欽遵抄出到部送司案呈到部擬合移咨行查爲
此合咨前去煩爲查明緣由併作何議處咨覆施
行等因到部看得錢者泉也源清則流長故行之

萬世而無敝耳 國法方防躍冶臣義惟務急公
司官沈立義旣典爐錘敢辭勞瘁而工作稱繁人
情積玩卽朝乾夕惕未足效夫涓塵倘百密一疎
亦何遑於切責但南北京省當刀弊之宏開而大
小精粗極差數之岐致是不一局或可曲原惟求
嚴

天語之森然自大振風靡于來者矣應否議處伏惟
鈞裁爲此合咨本部煩爲查照咨文內事理希卽
題覆施行 一咨本部

酌定爐殿以杜弊端事照得寶泉局原係倉廩改設舒肆寥廓儼然一小都聚也廩房之外復增耳房幾百餘間宛轉曲折窮日莫能涉其藩淵藪飛躍不可方物頃經本部條奏業奉

明旨依議着實舉行爲此剗仰該司協同廳會同經管司官遵照原題

欽依內事理逐一相度厘正開爐不得過三十座居肆不得過四十間務要圍集一處以便閱視關防其餘空閑廩房另行截路隔斷封識無得再容濶

處囤匿又爐局私藏銅鉛不少鑄成銖錢尚多儘
堪抵補侵逋該司廳官并行逐號盤驗要見某人
銅若干鉛若干已未挫磨錢若干逐一明白開報
一厥盤訖封閉一厥以憑覆核各役如有弊情諭
令檢發照例免究倘怙終欺隱自干三尺追悔何
及俱無遲緩姑息

一劄付 王司務 楊 黃 向 郎中

查追未完錢糧事照得爐頭汪忠等侵欺官錢多
者不止千兩少者不止數百兩逾歲延捱屢經嚴

示比追全無完報倚泉局爲探囊視

國法如附贅利未一而弊已百長此安窮爲此仰司
立限追併如過半月內不完一半者竟發該城兵
馬司監比仍除革爐頭名缺不許頂充無再寬貸
以誤

國計其周洪道等領銀二千兩背秋涉夏銅鉛未見
分毫總是驢充麤腹一併查追正法

一票行寶泉局

查議增修司署事照得協理一司有經管庫藏之

責有查點工匠之責有收放銅鉛之責有稽防弊
竇之責責以繁且重矣就近居守則百密自無一
疎寫遠往來卽長鞭亦不及腹今舍有數椽日或
一至間委局使操鑰局門卑官不能總鈴弊事未
免紛起所從來矣于內量增居房一層協司便可
長住合行查議相度經始其木植工料等費俱于
近報餘錢內盡數支給不許擅動官錢公文先將
估計緣繇報部一面刻日興工事竣冊報無致遲
緩未便 一票行寶泉局

查議汰裁廬房事照得局內廩房業奉

欽依祇用四十間開爐鼓鑄其存剩廩房一百十餘
間相應堵截以清淵數爲此牌仰該司親自相度
速行料理應仍舊者仍舊應堵塞者堵塞應修葺
者修葺務要出入直截一望了然率作與事日省
易到其牆垣界限棘刺增高門樞鎖鑰內外增設
用絕窺視之奸并杜透逗之隙定限五日內報竣
以便鳩工集事施行

一牌行寶泉局

嚴查商販銅觔事據崇文門循環開報銅鉛數目
到部五月以來不止二三十萬有零未據押送泉
局收買事屬違玩相應嚴查為此仰司查照原冊
開報數目移會權司速喚經紀着落原販商人樊
一科范天榮等照數送局兩平交易以資鼓鑄如
有短少卽係私鬻私鑄情弊中間或係爐頭買補
舊欠或係民間貿易變須亦要詳開明白原情免
豁以後仍行申飭遵照

明旨着實奉行商販銅斤到日卽押送本局收買如

再違悞解經紀行頭人等叅究重處決不姑貸

一牌行寶泉局

示仰見在分班應役爐頭席學會等知悉今照每季分班人數已定澄汰伊始各宜淬勵自新但能遵奉禁約十條無有違犯本部卽拔置爐總常川應役仍另行優賞如違犯條約攙和夾帶及制錢濫惡者卽時究革誓不姑容此係十日所視難以掩覆無然怙終自貽後悔特示

一行錢局

會計本利

戶部寶泉局自天啓二年正月初七日員外郎湯道衡開鑄起至四年正月十二日奏繳止除將本局庫錢在京零買商販銅鉛不算外陸續借過各項錢糧作本買銅應還新舊二庫銀兩數目開後計

天啓二年二月內奉部劄借太倉銀壹萬貳千貳百兩買銅每斤用銀壹錢伍厘共買過銅壹拾貳萬斤

二月內收工部原派銅商田尚等解到黃銅貳拾萬斤每斤照工部作價壹錢壹分伍厘該還鹽課本銀貳萬叁千兩

七月內收田尚等解到黃銅肆拾壹萬玖千伍百陸拾伍斤肆兩每斤照例作價壹錢壹分伍厘該還鹽課本銀肆萬捌千貳百伍拾兩

十月內收田尚等解到黃銅壹拾萬斤每斤照工部及科院議定作價壹錢貳分該還巡青本銀壹萬貳千兩

天啓三年三月內收江西解官洪宗義解到黃銅貳拾萬斤照依本省議定每斤作價壹錢該還輕齋本銀貳萬兩

九月內收太平府解官姚秉嘉解到黃銅壹萬陸千柒百捌斤捌兩每斤作價壹錢貳分該還輕齋本銀貳千兩

收臨清鈔關差解戶馬萬里解到黃銅叁萬貳千斤每斤作價壹錢貳分該還稅額本銀叁千捌百肆拾兩

十月內收商人田尚解到黃銅陸拾叁萬叁千叁百叁拾叁斤陸兩每斤作價壹錢貳分該還巡青本銀柒萬陸千兩

收郭幅益等兌支陝西布政司抽扣銀買到紅銅貳萬貳千貳百貳拾貳斤肆兩每斤依原定價壹錢叁分伍厘該還新餉庫銀叁千兩

收崇文門宣課司陸續買送紅銅共叁萬捌千伍百貳拾貳斤壹兩每斤作價壹錢肆分該還稅額本銀伍千叁百玖拾叁兩捌分捌厘

又黃銅叁百叁拾陸斤肆兩每斤作價壹錢貳分伍厘該還稅額本銀肆拾貳兩叁分壹厘

又收窩鉛叁千捌百叁拾玖斤拾兩每斤作價壹錢叁厘該還稅額本銀叁百玖拾伍兩肆錢捌分壹厘

又窩鉛貳千貳百斤依酌定時價每斤米分柒厘該還稅額本銀壹百陸拾玖兩肆錢

十一月內收河西務鈔關差官楊基等解到紅銅壹萬柒千伍百壹拾陸斤每斤作價壹錢叁分

伍厘該還稅額本銀貳千叁百陸拾肆兩陸錢陸分

以上共該還太倉銅本銀貳拾萬玖千伍拾肆兩陸錢陸分

自天啓貳年正月開鑄起至肆年正月奏繳止陸續解過太倉及代給鎮餉俸錢抵還銅本銀兩數目開後

計開

天啓貳年伍月內解過太倉錢壹千壹百貳拾萬文作銀貳萬兩

陸月內解過太倉錢柒百陸拾壹萬陸千文作銀壹萬叁千陸百兩

玖月內解過太倉錢叁百捌萬文作銀伍千伍百

兩

給昌平鎮委官羅允登餉錢伍百陸拾萬文作銀壹萬兩

拾月內給永平鎮委官陳夢吉餉錢伍百陸拾萬文作銀壹萬兩

拾貳月內解過太倉錢壹千壹百叁拾萬伍千貳百玖拾柒文作銀貳萬壹百捌拾捌兩叁分壹釐

給易州鎮委官劉振芳餉錢肆百貳拾壹萬

原缺

實在庫貯黃銅壹拾捌萬陸千伍百伍拾貳斤拾肆兩值銀貳萬叁千叁百壹拾玖兩壹錢玖厘
實在庫貯紅銅貳萬肆千伍百壹拾壹斤叁兩值銀叁千伍百伍兩玖分玖厘

實在庫貯窩鉛壹拾壹萬貳千柒百柒拾捌斤玖兩值銀壹萬壹千伍拾陸兩玖錢

實在庫貯大錢貳拾伍萬捌千伍百陸拾文小錢伍百柒拾柒萬壹千伍百伍拾壹文共值銀壹萬肆千玖百貳拾叁兩肆錢捌分叁厘

以上四項共值銀伍萬貳千捌百肆兩伍錢玖分壹厘俱係本外利息連前已發錢柒萬伍千捌百貳兩貳錢壹分叁厘

通共得利壹拾貳萬捌千陸百陸兩捌錢肆厘

戶部署部事右侍郎陳于廷謹

題爲國計匱乏已極查叅萬難遲緩謹遵

明旨酌議叅處司府再懇

嚴勅撫按亟報職名以昭功令以期共濟時艱實
效事冊庫案呈奉本部送戶科抄出本部題前事
奉

聖旨是這欠糧各官職名着撫按官作速報部以憑
叅處如違併究欽此欽遵抄出到部送庫案照先
該戶科都給事中等官周希令等叅罰不嚴一疏

有先叅藩郡後及有司毋舍大吏而苛下僚之議
奉

聖旨歲解考覈近屢有旨這所奏該部一併議行欽
此頃該戶科都給事中尹同臯軍國需餉愈急一
疏有加等考成之議奉

聖旨錢糧缺乏皆因拖欠數多撫按各官全無體國
之誼不行催解吏戶二部查覈不嚴以致朦朧陞
轉這所奏俱依議行各衙門都要着實遵守違的
該科叅來重治仍著爲令該部知道欽此節奉

欽依抄出到部欽遵在案奉此隨將萬曆四十八年天啓元年天啓二年各省直司府太倉錢糧未完實數通查案呈到部看得錢糧完欠關係軍國安危今太倉旣如懸罄而各邊頻報呼庚卽各省直如額如期一一完解猶不免支東補西朝不謀夕之患也今查太倉舊餉錢糧自四十八年以至天啓元年天啓二年蠲累逋負如許節催祇成畫餅部檄委于弁髦說者皆謂臣部考成功令持之不堅行之不力以致因循不振至此誠無辭

於佐計之無狀矣所幸諸臣條奏炳於日星

皇上明命嚴於鈇鉞臣等敢不恪遵奉行信此叅處
司府之

新旨耶今以四十八年言之計省直印糧司官未完
三分以上者江西一省也未完二分以上者福建
一省也未完一分以上者湖廣浙江山東河南四
省也計省直印糧府官未完三分以上者山東登
州府浙江台州府衢州府嚴州府温州府處州府
湖廣辰州府襄陽府寶慶府鄖陽府常德府岳州

府靖州郴州河南衛輝府河南府江西瑞州府南昌府臨江府撫州府南直淮安府二十一府州也未完二分以上者山東兗州府浙江湖州府湖廣衡州府永州府德安府江西南康府九江府袁州府北直順天府南直松江府十府也未完一分以上者山東濟南府青州府浙江金華府湖廣漢陽府承天府長沙府荊州府河南懷慶府江西吉安府北直河間府南直蘇州府常州府十二府也以天啓元年言之計省直印糧司官未完三分以上

者江西湖廣浙江福建四省也未完二分以上者
山東一省也未完一分以上者河南一省也計省
直印糧府官未完三分以上者山東東昌府兗州
府浙江台州府湖州府嘉興府嚴州府處州府金
華府寧波府湖廣辰州府襄陽府寶慶府衡州府
鄖陽府漢陽府承天府黃州府常德府永州府岳
州府武昌府長沙府靖州郴州河南懷慶府南陽
府江西瑞州府南昌府廣信府臨江府建昌府饒
州府南康府九江府袁州府吉安府南安府北直

河間府南直淮安府松江府蘇州府應天府寧國府四十三府州也未完二分以上者山東濟南府青州府浙江衢州府河南河南府江西撫州府北直順天府南直常州府七府也未完一分以上者浙江紹興府湖廣德安府河南衛輝府汝寧府四府也以天啓二年言之總計省直印糧司官未完三分以上者山東浙江廣東山西江西河南福建七省也計省直印糧府官未完三分以上者山東濟南府東昌府青州府兗州府萊州府登州府浙

江杭州府嘉興府湖州府寧波府紹興府台州府
金華府衢州府嚴州府温州府處州府河南開封
府衛輝府懷慶府河南府南陽府汝州江西南昌
府瑞州府袁州府臨江府吉安府撫州府建昌府
廣信府饒州府南康府九江府南安府贛州府北
直順天府保定府河間府南直懷安府松江府池
州府徽州府寧國府鎮江府常州府應天府蘇州
府鳳陽府太平府揚州府廣德州滁州五十三府
州也未完二分以出者河南彰德一府也考成

明例未完及一分以上者不拘司府等官俱應住俸
但念年來新舊額派疊徵稱苦或一省之中而豐
歉偶異或一府之內而頑淳自分中間撫字催科
方圓并畫有司未免手棘臣等慨于時勢之兩難
衡以功令之一定用一緩二那後程前內四十
八年天啓元年未完及三分以上者文到之日卽
行住俸未完及二分以上者寬至閏十月終不完
一體住俸其天啓二年未完及三分二分以上者
俱照閏十月終不完住俸例通行其未完止一分

以上者行令帶催免其住俸先是巡視科臣彭汝楠疏稱未完錢糧見在掌印官責難他諉查照叅處業經屢奉 欽依當時危量沙無術橫潰可虞臣部寧爲法任怨何敢避怨以骹法也恭候命下容臣部移咨各省直巡撫都御史及咨都察院轉行各該巡按御史遵照原題將各該年分未完分數見任印糧司府各官分別住俸職名依期題報臣部以便移咨吏部知會停其陞考統俟糧完之日開復陞考蓋 先朝當清平之日首嚴考成

銀柒千伍百壹拾柒兩捌錢伍分捌釐

天啓貳年叁月內進

上錢壹拾萬文伍拾肆文算作銀壹百捌拾伍兩壹錢捌分伍釐

陸月內呈樣大錢壹百伍拾陸文算作銀壹兩柒錢捌分伍釐

玖月內進

上錢貳百肆拾陸萬伍拾陸文算作銀肆千叁百

玖拾貳

拾貳月

上大錢貳拾伍萬文、鈔肆千肆百陸拾肆兩貳錢捌分伍釐

天啓參年貳月內給永平鎮委官陳夢吉餉錢伍百陸拾萬文作銀壹萬兩

參月內給通州委官馮國斌餉錢壹千貳百貳萬文作銀貳萬兩

給密雲鎮委官戴捷餉錢伍百陸拾萬文作銀壹萬兩